

Petro

Ɔwulú Nyɔɔsi

Itsiáha

1 ¹Mí Yesu Kristo osúmbi pú mu sumbí ɔyɔpú Simon Petro dé ɔwulú ánfɛ wanlín.

Nde mú wanlín sísí mli féeá mlulanyá hógyiá ibu labi fé anɛ klé, Bulu mva anɛ Ɔlepú Yesu Kristo yilébwe lahá anɛlanyá ámu.

²Bulu ɔhíe gyi mli buale, ɔha mli iwilwii, tsúfé mlɛlabí mva anɛ Wíe Yesu Kristo tsía.

Bulu Ahá Tɪ Pú Tʒá Odedunká

³Íniá anɛlabí Yesu wankláán su á, Bulu lahá anɛ tógyítʒá abɔpɔtsiá nkpa ání itegyɛ mu ansí. Ɔleti anɛ mu onutó túmitɔ ɔbée, abénya mu numnyam pú mu yilébwe. ⁴Mu túmi kpɔnkpɔnkpɔntɪ ámu kén ɔɔpɔkíe anɛ atɔ yiléá ibu bíá. Mú ɔlehɛ yáí ání ɔbɔpɔhá anɛ ní. Ɔlehɛ ání ɔbée anɛ tsú ɔyítʒ ɔwɔlɪ laláhe ámuɔ iteyíntá nyankpɔsa amɔtɔ, atsúvɔn músu tsiá mu atsiábi. ⁵Íniá Bulu labwé íni há mli su á, mlɛtsun mli hógyisu amlɛbwe yilé ɔkpagyíɔkpasu. Mlɛtsun mli yilébwe ámuɔsu amlɛbɪ asún. ⁶Mlɛtsun mli asúnbɪ ámuɔsu amlɛgyi iwɛsu. Mlɛtsun mli iwɛsuɔgyi amɔsu amlɛwa nsi. Mlɛtsun mli nsiwa ámuɔsu amlɛsum Bulu. ⁷Mlɛtsun mli Bulusúm ámuɔsu amlɛwa awɔtɔle. Mlɛtsun mli awɔtɔlewa ámuɔsu amlɛdwe mli aba Akristofɔ. ⁸Ní íni aná dedán mlɛtɔ á, íbósuná ání mlɛlabí anɛ Wíe Yesu Kristo. Mu bɪ ámu désuná ání mlɛlawá labi, swíe abí ní. ⁹Táme ní tsiátʒ anɛ aná uma akɔtɔ á, butamawun yɔ tsútsú. Amú

ansíbi labwíé. Batan ání Bulu lófwi amú lakpan dada amu lé amú iwí.


¹⁰Mú su mí apíó adwepú, mlisen ansító. Bulu létí ahá, ɔlele aku há mu iwí. Mlha mli bwehé isuna ání lélé mlibu amútó. Ní mlidé íni bwe á, mliméedida ekekeeke. ¹¹Lbá alí á, Bulu obéfinkí ɔkpa gbayaa há mlówie aní Wíe pú aní ɔlepú Yesu Kristo iwíegyi ámúú itamamó ɔnó ámutó.

¹²Mméesi mli asún ánfí káín. Ibu mótóá mlyin mú dodo. Mlulu mli ɔnɔkwali amusu kínkíínkín. ¹³Ee, nawun ání íniá nanya mbu nkpa ánfí mú á, Ibu alé ání nétsiá káín mli asún ánfí brégyíbré. ¹⁴Tsúfé aní Wíe Yesu Kristo lahá mí nabí ání mí nke utráa mɔtsó ɔsulúu anítsu. ¹⁵Mú su nótson ɔkpagyíɔkpasu há mlétsiá káín mósú mí ɔma.

Kristo Numnyam

¹⁶Megyí nyánsa anlópusré ɔte bɔwa súná mli tsú aní Wíe Yesu Kristo túmí pú mu yínkí ba amu iwí. Mboún anuléhie pú aní ansíbi wun mu numnyam. ¹⁷Tsúfé aní ansító aní Sí Bulu lópu obú móa numnyam kpɔnkpɔnkpɔntí há Yesu, bréá Bulu Onumnyampu amu ɔme ledali tsu ɔsúsú ɔbéé, “Óni gyí mí Bí ɔdwepúá olegyi mi ansí ní.” ¹⁸Aní onutó lónu ɔme amu tsú ɔsúsú, bréá ania mɔnyɔ anlíí Ibu wankíhé amusu.

¹⁹Íni su anulahíé wun ání asún ámúú Bulu ɔnósú atóipú amu beblí tswí amu ihíé Ibu mótó. Ibéhie wá alé há mli, ní mleyaa asu nú mú, gyi mósú. Tsúfé amú asún ámu igyi fé ɔkandíéá idewankí oklúntó yófun bréá ɔyí ɔbeke, bake ɔtsrakpabi amu ɔbówankí mli kluntó. ²⁰Iwánkí mli ání megyi Bulu ɔnósú atóipú amu onutó apé bɔpuwánlín Bulu asún ámu. ²¹Tsúfé megyi amú onutó lópu amú agywun blí Bulu ɔnó asún



*ɔkandíéá idewankí
oklúntó ní. (2 Petro 1:19)*

atɔ asunápú anfi bugyi fé pututɔ-mbwiá buma agywun. Butɔkwíí amú keke, ahá butekítá amú, mɔ amú. Buteblí asun laláhe tsú tsá bmonu mú así iwí. Amú lalahewɛ béhu amú fé pututɔ-mbwi. ¹³Alí ámúú bahá ahá buɗe asún wun amu su Bulu ɔbɔpu asun wunhe ká amú akɔ. Butegyí ɔdwe nkɛtɔ, tsúfé ansigyíla butɔbwé. Butɔbwé pélula, kpóí iwí, butowíe anitɔ aní nkegyítɔ. Buɗe iwí mlé. ¹⁴Tɔtɔ uma amú ansigyíɔ dun mbvatɔ. Butamasí laláhe bwe. Butemlé ahá ání amú hógyi melíí tsukule, há búɔɔbwé lakpan. Bahíé bí ɔnsipe wa. Amú bwehé laláhe anfi su, bugyówi ní! ¹⁵Basí ɔkpa wankláán ámu tswí, yó bubuo Beor mu bi Bulu ɔnɔsú ɔtɔpú *Bileam bwehé laláhe. Ɔɔdwe sika ání obénya tsú lalahewɛtɔ. ¹⁶Mú su Bulu léha mu afrímú lɔtɔí wa mu, uléha olesi mu gbedéla amu bwe.

¹⁷Afunu atɔ asunápú anfi buma labi kuku. Bugyi fé ntsuá ulakpí ntée nyankpuá ulabílá tuun, afú latsvan mú náti. Íni su amú otsiákpá ání Bulu lalá yáí amú gyí oklún tuuntɔ. ¹⁸Butotsú iwí, ká ɔnɔtɔ, pú amú ɔwólí laláhe tun ɔnɔ, mlé ahá butelábwé lakpan ání besi bwe imɔkúwá ɔpá. ¹⁹Butehíé ahá bɛɛ, ní begyi amú atosunáhésu á, bégyi iwí. Táme amú onutó bugyi nkɔpábi há tsiátɔ laláhe. Tsúfé nyankpusa gyí ɔkpábi há tsá ide musu gyí. ²⁰Ahá ání babí aní Wíe pú aní Ɔlepú Yesu Kristo, sí ɔyítɔ ɔwólí laláheá iteyíntá nyankpusa bwe, beyinkí yébitíwíé mútɔ, igyi amúsú á, amú tsiátɔ teláyíntá dun alíá igyi yáí. ²¹Ní bumetepí wun ɔkpa wankláán ámu kúráá á, teku íbu alé há amú dun ání bówun mú yínkí ɔma, sí mbla wankíhé amúú bɔpuhá amú ámusu gyí. ²²Amú bwehé ánti lahá yébi anfi laba mútɔ. “Kíai tékpláí, lápú mu ɔdandu tsú” pú “Febie ɔprákuo ntsu alíagyíalíá á, ɔteláyébie ɔdiba.”

Antí Wíe Ɔbáke

2 Pe

3 ¹Mí apíó adwepú, íni gyí ɔwulú nyɔɔsá ndewanlín sísí mli ní. Ndepɔ nwulú anyɔ ánti káín mli, ménu mlɔgywún mú iwí wankláán. ²Ndekléá mlíkáun asún ámúú Bulu ɔnɔsú atɔpú wankíhé amu beblí yáí ámusu. Mlíkaun

anɪ Wíe, ogyi anɪ ɔlepú Yesu Kristo mbla á múbú ɔlɔtsun mu sumbí ayɔpúsú wá há mli ámusu. ³⁻⁴Gyankpapo a, ndekléá nékaín mli ání nke tráhe amuto á, ahinlá abwepú aku bóbuo amú onutó ɔwólɪ laláhe. Bómósí mli, fíté mli beɛ, “Yéɛ Yesu léblí yáí ɔbéɛ, mélayínkí bá a? Mú nki mu mé? Tsú anɪ anáin lowu brésú ɔpá á, ɔtɔɔtɔ mókútse. Ali á múbú ilenya igyi ámu ni.” ⁵Baki ansí tan ání ɔnɔ Bulu lɔpublí asún bímbí ámu, ɔsú múa asɪ lɛlɪn, ɔsólúv lɛdalɪ tsu ntsutso. Ntsu é ɔlɔpubwé mú. ⁶Ntsu kén ɔleha ulɔbulá yíntá bímbí ɔyí ámu. ⁷ɔnɔ ámu kén ɔletrá públí ání ɔsú múa asɪ ánfɪ mú íbétsiá yófun ekeá obégyi ahá á múbú butamanyá mu ífú ámu asún, pú ogyá hí tógyító.

⁸Táme apíó adwepú, mli mátan íni músú. Ekewóle igyi fé nfí-ɔpím, nfí-ɔpím é igyi fé ekewóle anɪ Wíe ansító. ⁹Ahá buki beɛ, Bulu tesi tsiá tóá alahíéá ɔbɔbwesɔ. Megyí ali ígyi, mboún klun otenyá há mli; ménɪ ɔhagyíɔha ɔbédamlí kluntó sí lakpan bwe, tsúfé omedékléá ɔhaa ɔbɔfwɪ.

¹⁰Táme anɪ Wíe ɔbáke amu íbófwie ahátó, fé alíá owikplu tofwíé ɔható. Eke ámu a, ɔsúsú bósurá okitikítí kóklóklúbɪ ɲa. Ogyá béɲlaín ntobíá ɔlɔpubwé ɔsú múa asɪ féé. ɔsólúv múa músú ató é féé bóho plíplíplíplí. ¹¹Ínɪá lélé Bulu obéyintá ɔyító ató féé ali á, tsiátó mɔmu ilehián ání mlóputsiá, íbégyi Bulu ansí? Ilehián ání mli iwɪ bétɪn, mlósúm Bulu. ¹²Mlutsia tsiátó anfi puki ɔkpa ha Kristo ɔbáke amu, amlɪha mú ikɔsɪ ba. Bulu ɔbɔpu ogyá hí tógyító ɔsúsú eke ámu. Mú okunkúu é íbéɲlaín unu ató féé. ¹³Táme Bulu léhɪɛ ání ɔbɔbwe ɔsú múa asɪ ɔpɔwe há anɪ. ɔtínéá ahá ání amú asún da ɔkpa bétsiá. Mú anigyó ní.

¹⁴Mú sv apíó adwepú, ínɪá mli gyó íni sv á, mli yiri iwɪ amlutsia tsiátóá mú iwɪ letɪn, ɔlala méetsiá mli iwɪ Bulu ansító, ménɪ iwílwii bétsiá mli munyɔ nsúné. ¹⁵Mli mátan ání ahá nkpa hɔwó sú anɪ Wíe dé iklun nya, fé alíá anɪ pío ɔdwepú Paulo lɔpu nyánsa ání Bulu léha mu wánlín asún ánfɪ kén sísí mli. ¹⁶Asún ánfɪ aná iwɪ ɔlɔtɔí tsú mu nwulú féétó ni. Táme mu asún ámu iku asunu bu ɔnlɪn. Mú sv ahá ání butamakási tɔtɔ pú ahá ání amú hogyi melíí tsukule

butedámlí Paulo asón ámv, fé alí ámú butedámlí Bulu asun wanlínhé bun amv. Mú ɔbéha Bulu ɔbéhi amú ní.

¹⁷Táme apíó adwepó, íniá mliyin mú alí sv á, nde mli ɔlá da yái. Mludinka ansí iwısv, méni ahá ánfı butamagyi mblasv ánfı bumóɔpv amú atosunáhé laláhe amv bemele mli, amlıdıda. ¹⁸Mboún mliyo músú, méni anı Wıe pú anı ɔlepó Yesu Kristo awıɔle pú mv bı bómonı mlıɔ. Numnyam ıbwée mv kle tsú séi púya bré féétó! *Amen.